

讚道

大道元無極長生豈有涯  
 劫終權返實時運復開花  
 道德元無象丹青畫不真  
 聖賢潛濟物今古默通神  
 道德三綱啟乾坤萬象陳  
 山河蟠地軸日月走天輪  
 恍惚神爲榦氤氳氣是芽  
 乾坤如長葉日月似開花  
 道運陰陽秀天成造化功  
 鬼神精不見山海氣潛通  
 道運陰陽秀天垂雨露精  
 三光同照耀萬化悉生成  
 道運陰陽秀人霑雨露恩  
 幽明隨日月造化出乾坤  
 大樸含元氣無方稟至神  
 至神通造化元氣合經綸  
 大聖開天地長空布日星  
 迴環分晝夜今古照生靈

道藏輯要

礪溪集

靈

又胃集三  
川日台州

詞

日月騰光彩風雷震杳冥  
 合弘無作用變化有神靈

無俗念

居礪溪

孤身踰躓泛秦川西入蟠溪鄉  
 域曠峪巖前幽澗畔高鑿雲龕  
 棲跡煙火俱無單瓢不置日用  
 何曾積饑餐渴飲逐時村巷求  
 覓 選甚冷熱殘餘填腸塞肚不  
 假珍羞力好弱將來餬口過  
 免得庖廚勞役壯貫皮囊熏蒸  
 關竅圖使添津液色身輕健法  
 身容易將息

其一

歲寒  
守志

同雲瑞雪正三冬鬱閉嚴凝時  
 節寂寞山家孤悄悄終日無人

談說敗衲重披寒控獨坐夜永愁難徹長更無寐朔風穿戶淒

冽 求飯朝入西村臨泉夾道玉葉凌花結陝西有一種草長二尺許不知名秋

冬則上莖死下莖活曉寒則於半莖之間結冰二稜如箭羽狀凍手頻呵仍自憾濁骨凡胎為

劣晝夜參差饑寒逼迫早晚超生滅須憑一志撞開千古心月

其二 弈棋

前程路遠未昭彰金玉仙姿靈質寂寞無功天賜我棋局開顏

銷日古栢巖前清風臺上宛轉晨餐畢幽人來訪雅懷閑鬥機

密 初似海上江邊三三五五亂鶴羣鴉出打節衝關成陣勢

錯雜蛟龍蟠屈妙算嘉謀斜飛正跳萬變皆歸一含弘神用不

關方外經術

道藏輯要

礪溪集

又胃集三

其四 讚師

漫漫苦海似東溟深闊無邊無底碌碌羣生顛倒競還苦遊魚

爭戲巨浪浮沈洪波出沒嗜慾如癡醉漂淪無限化鵬超度能

幾 唯有當日重陽惺惺了了獨有衝天志學易年高心大悟

擊斷浮華韁繫十載丹成一時功就脫殼成蟬蛻從師別後更

誰風範相繼

其五 蓑衣

深溪古岸到秋來莎密茸茸無極揀擇修織歸洞府虛落晴天

吹炙兩束絲乾千條繩就不假良工織閑軒親自結成漁父裝

飾 時伴樵牧嬉游青山綠水帶雨和煙適妙絕堪珍幽徑晚



披雪衝開蘼荻我本忘名人皆易號喚作蓑衣客磻溪皆呼蓑衣先生他  
年功滿化雲天上無跡

其六 竹

虛心翠竹稟天然一氣生來清獨月下風前堪賞翫嘲謔令人  
無俗嫩葉蕭騷隆冬掩映秀出千林木英姿光潤狀同玄圃寒  
玉 好事東里田侯乃東隣菴主也南溪新種使我開青目盡日高吟  
意外看風颭筠梢搖綠冉冉幽香蕭蕭疎影坐卧清肌肉雲龕  
閑伴雅懷惟稱仙福

其七 月

偃巖傍隴音隘長更蕭索昏魔非一皓月澄澄山上顯天角輝

道藏輯要

備溪集

卷

又胃集三  
川上

輝初出露結霜凝金華玉潤淡蕩何飄逸清臨寰宇發揚神秀  
姿質 悽愴六合羣情淹沈幽昧慘怛劬勞疾大闡良因弘濟  
度皆得逍遙靈謚浩氣騰騰餘光藹藹至性那虧失圓明法界  
法輪常自充實

其八 暮秋

霜風蕩颺舞飄零木葉斜飛阡陌極目長郊凝望處衰菊爛遍  
猶坼點點蒼苔漫漫朝露漸結清霜白山川高下盡成一片秋  
色 瀟灑萬物摧殘淒涼天氣愁損征途客水谷雲根無可翫  
獨有蒼蒼松栢悟道真仙忘機逸士亘古同標格欺寒壓眾自  
來天地饒得

其九 述懷

羣山四瀆暮天晴揮斥陰魔潛伏太一巖前風道快千尺波翻  
蟾足怒雪驚濤衝堤拍岸雷輓雲翻逐青鷗白鷺月明江上飛  
遠 高下萬疊千羣相呼相召會合清江曲寶月神珠時逗引  
輓出都忘鈴束踴躍飄飄玲瓏燦燦價忽連城玉含弘光大上  
天人地翻覆

其十 仙景

十洲三島運長春不夜風光無極寶閣瓊樓山上聳突兀巍巍  
千尺綠檜喬松丹霞密霧簇擁神仙宅漫漫雲海奈何無處尋  
覓 遙想徐福當時樓船東下一去無消息萬里滄波空浩渺  
遠接天涯秋碧痛念人生難逃物化怎得游仙域超凡入聖在  
乎身外身易

道藏輯要

碓溪集

卷

又胃集二  
川卷上

其十一 樂道

迎今送古歎春花秋月年年如約物換星移人事改多少翻騰  
淪落家給干兵官封一品得也無依託光陰如電百年隨手偷  
卻 有幸悟人玄門擘開疑網撞透真歡樂白玉壺中祥瑞罩  
一粒神丹輝霍月下風前天長地久自在乘鸞鶴人間虛夢不  
堪回首重作

其十二 性通

法輪初轉慧風生陡覺清涼無極皓色凝空嘉氣會豁蕩塵煩



胷臆五賊奔亡三尸逃遁表裏無蹤跡神思安泰湛然不動戈  
戟 信步紫陌紅塵飢餐渴飲度日隨緣覓物外閑中天地寶  
時復玳瑁敲擊後約參師前程歸路自有真消息鶴書來召坐  
昇雲漢游歷

沁園春

示眾

世事紛紛似水東傾甚時了期歎利名千古爭馳虎豹邱原一  
旦總伴狐狸枳棘叢中桑榆影裏亂塚堆堆誰是誰君知否謾  
徒勞百載空皺雙眉 爭如歸去來兮放四大優游無所爲向  
碧巖古洞完全性命臨風對月笑傲希夷一曲玄歌千鍾美酒  
日月循環不老伊童顏在鎮龜齡鶴壽罷唱黃鸝

道藏輯要

礪溪集

堯

又胃集三  
又卅三

列鼎雄豪走烏飛轉頭悄然似電光開夜雲申午閃晨霜迎  
日草上難堅立馬文章題橋名譽恍惚皆如作夢傳爭如我做  
忘機息慮返樸歸原 壺中異景堪憐是別有風花雪月天翫  
四時時現祥雲瑞氣三光光罩玉洞瓊筵滿泛流霞高吟古調  
骨健神清丹自圓真堪愛待功成一舉永鎮飛仙  
智慧男兒速悟塵勞勿將性疲但此身彼物皆名幻化多虛少  
實不可追隨萬種纏綿千般汨沒荏苒光陰老卻伊爭如向太  
玄真教法討論希夷 乾坤蕩蕩無依似一片閑雲出世奇悟  
性宗合道恩山易挫神舟得岸苦海難迷行滿功成仙游羽化  
物外何如土底歸無他事要昇天入地俱在心爲